

ما بقتش أنا

صوتي اللي كان

بيهز ابراج الحمام

قام وانتنى

يتبل ريقى بالسكوت

أدبل وأموت

مايهمنيش مين أنا

أنده على الأوهام مانمشي

لقى الدموع بتبل رمشي

وانا اللي دايم كنت بامشي

جنب الحيطان من كام سنة

كابس على نفسي كابوس

وعملت من قلبي فانوس
وفضلت لإيديهم أبوس
يمكن أشوف منهم هنا
يمكن ألقى مكان للدندنة
واغني غنوة الاحتضار
نفسي خلاص
مابقتش حاية للغنا
وانا اللي كنت
وكنت أنا صاحب قرار
دلواقتي بيلفوا الحبال
على جثتي